

杜
工
部
集

杜工部集卷之十三

虞山蒙叟錢謙益箋註

近體詩九十一首

岳州及再
臣威都作

傷春五首

天下兵雖滿春光一作日自濃西京疲百戰北闕任羣

兇關塞三千里煙花一萬重蒙塵清露急御宿且一作

誰供殷復前王道周遷舊國容蓬萊足雲氣應合總

從龍

廣德元年吐蕃陷京師車駕至華州官吏奔散
無復供養應從將士不免饑餓乃幸魚朝恩營

鷲入新年語花開滿故枝天青風捲幔草碧水通池

牢落官軍速蕭條萬事危鬢毛元自白淚點向來垂

吐蕃之亂車此

幸華州此五詩

之所由作也悲心

感淋漓無非一賦

不忘君之意對

此時仰望于修

德何等深哉

起語一維字于五亦

以望中興也方未

章結詩呼應一

恰是初春

元白向來見非一

日行以可也

亂而思治治冬
去而春之放逐
起與而有時如
之故

何等真切

不是無兄弟其如有別離巴山春色靜北望轉遙

日月還相照星辰屢合一一作亦屢圍不成誅執法焉得變危

機大角纏兵氣鈎陳出帝畿煙塵昏御道耆舊把天

衣一云罔無牽白馬幾至著青衣行在諸軍闕來朝大將稀賢多隱屠鈎

王肯載同歸此下首身以時事言之猶不言春而自與前漫一贊

執法史記天官書南宮衛太微三光之廷匡術十二星藩臣西將東相南四星執法月五星順入軌道司其所守天子所誅也晉志左執法

廷尉之象右執法御史大夫之象府理曰榮或謂之罰星或謂之執法舊書程元振傳吐蕃克項入犯京畿下詔徵兵諸道至無不至者蕃軍至便橋代宗

蒼黃出幸陝州及至行在太常博士橋悅上疏切陳疎元振以謝天下代宗罷元振官放歸田里大角天官書房南衆星

角將大角者鈎陳星經鈎陳大星爲六宮亦主六軍晉志鈎陳殺也

再有朝廷亂難知消息真近傳王在洛復道使歸一作通

秦奪馬悲公主登車泣貴嬪蕭關迷北上滄海欲東

荆首宜望人將
其首宜望大臣

對此春光而傷
恨終德与起望
相應

巡敢料安危體猶多老大臣豈一作無秘經血露灑屬
車塵通首在第二句寫出心所謂已山北望音也

奪馬

舊書肅宗女和政公主下嫁橫澤安祿山陷京師寧國公主城居王
棄三子奪潭馬以載寧國身與潭步日百里顯齊公和政公主神道

碑廣德元年冬上既東幸主志斯屈蹕蹕

兵充斥咫尺不通因臣朔南尉厲諸將蕭關武紀元封四介行幸維關
五時通回中道遂北出蕭

關如淳曰蕭關
在安定朝那縣

聞說初東幸孤兒却走多難分太倉粟競棄魯陽戈

國園

登前殿王公出御河得無一作中夜舞誰一作憶大

風歌春色生烽燧幽人泣薜蘿君臣重脩德猶足見

時和

此房五詩德信點入春色二句以取平起君臣二句接三四二言言之身起筆為
信之也

送梓州李使君之任

故陳拾遺射典
人也篇末有云

籍甚黃丞相能名自潁川近看除刺史還喜得吾賢

五馬何時到雙魚會早傳老思筇竹杖

杖拄

冬要錦

衾眠不作臨歧恨唯聽舉最先火雲揮汗日山驛醒
心泉遇害陳公殞于今蜀道憐君行射洪縣爲我一

潛然

陳公

舊書子昂父在鄉爲縣令段儻所辱于昂聞之達還都里儻乃因事收繫獄中憂憤而卒雲溪友議或謂草仇大夫兼瓊爲陳始遺書儻

高適侍御與王江亭員外申充當時用爲義士也

王閬州筵奉酬十一舅惜別之作

萬壑樹聲滿千崖秋氣高浮舟

一作

出郡郭別酒寄江

濤良會不復久此生何太勞窮愁但

惟

有骨羣盜尚

如毛吾舅惜分手使君寒贈袍沙頭暮黃鵠失侶自

一作哀號

汶上相逢年頗多飛騰無那故人何總戎楚蜀應全

未方駕

二云

曹劉不啻過今日朝廷須汲黯中原將帥

憶廉頗天涯春色催遲暮別淚遙添錦水波

代宗以嚴武代選召還爲刑部侍郎轉散騎常侍適善言王嗣大略務功名尚節義逢時多難以安危爲已任故以汲黯許之

奉寄章十侍御

時初罷梓州刺史東川留後將赴朝廷

淮海維揚一俊人金章紫綬照青春指麾能事迴天地訓練強兵動鬼神湘西不得歸關羽河內猶宜借

寇恂朝覲從容問幽仄勿云江漢有

一作老垂綸

舊書梓州刺史章蕤初爲武判官及是小不副意赴成都杖殺之國史補武與章蕤素善再入蜀諫笑殺之雲溪友談刺史章蕤因小瑕武遂棒殺後爲葵外家報怨嚴氏遂微焉按此詩武再鎮蜀蕤已入覲矣湘西此暗指來豈及其未行而殺之耶新書并載故殺甫之事尤爲失實項之事也項與襄陽猶羽之專有荆土以程元振搆貽而死故曰不得歸關羽婉詞以傷之也項徙淮西諷將吏留已若河內自備借寇則常禮之故曰猶宜借屨

也恂

將赴荆南寄別李劍州

使君高義驅今古，寥落三年坐劍州。
但見文翁能化俗，一作焉知李廣未封侯。
路經滄海瀕雙蓬，一作入滄浪。
一釣舟戎馬相逢，更何日春風迴首仲宣樓。

仲宣樓

盛弘之荆州記當陽縣城樓王仲宣登之而作賦

奉寄別馬巴州

時甫除京兆功曹在東川

勳業終一作

歸馬伏波功曹非一云

復漢蕭何

南曾任華州司功

扁舟

繫纜沙邊久

南國浮雲水上多

獨把魚竿終遠去

難

隨鳥一作

翼一相過知君未愛春湖色

與在驪駒白玉

珮

珮

功曹

西溪叢語劉貢父據曹參未嘗爲功曹以此詩爲誤按史記蕭何爲沛主吏據注曰主吏功曹也杜未嘗誤吳志孫策謂糜竺曰孤有匡計事未得還府卿復以功曹爲吾蕭何守會稽耳蕭書久之召補京兆府功曹嚴武鎮成都奏爲節度參謀

泛江

方舟不用楫極目摠無波長日容盃酒深江淨綺羅
亂離還奏樂飄泊且聽歌故國流清滑如今花正多
陪王使君晦日泛江就黃家亭子二首

山豁何時斷江平不肯流稍知花改岸始驗鳥隨舟
結束多紅粉歡娛恨白頭非君愛人客晦日更添一作
愁

有逕金沙軟無人碧草芳野畦連蛺蝶江檻俯鴛鴦
日晚煙花亂風生錦繡香不須吹急管衰老易悲傷

南征

春岸桃花水雲帆楓樹林偷生長避地適遠更霑襟
老病南征日君恩北望心百年歌自苦未見有知音

久客

羈旅知交態淹留見俗情衰顏聊自哂小吏最相輕
去國哀王粲傷時哭賈生狐狸何足道豺虎正一作縱

橫

春遠

肅肅花絮晚菲菲紅素輕日長唯鳥雀春遠獨柴荆
數有關中亂何曾劔外清故鄉一作歸不得地入亞夫

營

亞夫營

後漢志長安有細柳聚周亞夫所屯處長安志細柳舍在咸陽縣西南三十里如淳曰細柳舍在渭北近石盤靈樞曰在昆明池南今有柳市是也師古曰匈奴傳云置三將軍軍長安西細柳渭北棘門霸上則此細柳不在渭北樛說是也三輔故事曰今石盤是也石盤西有細柳舍樊噲會柳中即細柳池也在長安西

暮寒

霧隱平郊樹風含廣岸波沈沈春色靜慘慘暮寒多
成鼓猶長擊林鴛遂不歌忽思高宴會朱袖拂雲和

雙鷺

旅食驚雙鷺一作雙飛鷺銜泥入此堂應同避燥濕且復過

一作炎涼養子風塵際來時道路長今秋天地在吾亦

離殊方

百舌

百舌來何處重重祗報春知音兼衆語整翮豈多身
花密藏難見一云難相見枝高聽轉新過時如發口君側有
讒人

過時

汲冢周書時訓解芒種之日螳螂生又五日鵙始鳴又五日反舌無聲螳螂不生是謂陰息鵙不始鳴令奸慝偪反舌有聲佞人在側

地隅

江漢山重阻風雲地一隅年年非故物處處是窮途
喪亂秦公子悲涼二云楚大夫平生心已折行路日荒蕪

秦公子

謝靈運擬鄒中詩王粲家本秦川貴公子遭亂流寓自傷精多

游子

巴蜀愁誰語吳門興杳然九江春草外三峽暮帆前

厭就成都卜休爲吏部眠蓬萊如可到衰白問羣仙

蓬萊

哀江南賦風颺道阻蓬萊無可到之期舟楫路窮星漢非乘槎可上

歸夢

道路時通塞江山日寂寥偷生唯一老伐叛已三朝

雨急青楓暮雲深黑水遙夢歸歸未得一作夢還歸亦得不用楚

辭招

黑水

禹貢華陽黑水惟梁州傳曰東據華山之南西距黑水又曰黑水自北而南經三危過梁州入南海疏曰浪池縣有黑水洞水經注黑水

出張掖雞山南流至燉煌過三危山南流入于南海寰宇記焉州越焉縣有黑水杜詩雲深黑水遙是也

江亭王閬州筵餞蕭遂州

離亭非舊國春色是他鄉老畏歌聲斷一云短愁隨一作舞舞

曲長一作悲天開一作悲寵餞五馬爛生一作輝光川路風煙接俱

宜二云下鳳皇

絕句二首

遲日江山麗，春風花草香。
泥融飛鷺子，沙暖睡鴛鴦。
江碧鳥逾白，山青花欲燃。
今春看又過，何日是歸年。

滕王亭子

在玉臺觀內，王勃露
年中任閩州刺史。

君王臺榭枕巴山，萬丈丹梯尚可攀。
春日鶯啼修竹，一作石傷心麗歎藥濃花。
滿目班人到手，今歌出牧來遊此地不知還。

滕王

元嬰高祖第二十二子，都督洪州，數犯憲章，徙授絳州刺史。方與滕
王覽勝，王以賢州衙宇卑陋，遂脩飾宏大之，擬于宮苑，謂之滕苑。後以

明皇諱，改曰闌苑。滕王幸，即元嬰所建。在
玉臺觀成，都楊慎以為嗣滕王，湛然誤也。

修竹

枚乘苑園賦：修竹檀栾，夾
池水，孫綽蘭亭詩：啼鶯吟

修犬吠

論獵傳言淮南王得道，首產
皆仙犬吠天上，雞鳴雲中。

玉臺觀

滕王造

中天積翠玉臺

二云

遙上帝高居絳節朝遂有馮夷來

擊鼓始知羸女善吹簫江光隱見龍鼉窟石勢參差

烏鵲橋更肯

二云紅顏生羽翼

吳作便應黃髮老漁樵

玉臺觀

方輿勝覽在開州北七里

中天

新序聖襄王將起中天臺

玉臺

漢郊祀歌遊閩

閩說玉臺底劬白閩閩天門玉臺上帝之所居

馮夷

洛神賦駕雲鳴

吹簫

列仙傳拾遺簫史善吹簫白教弄玉作鳳

鳴是數年吹簫似鳳聲鳳皇來止其屋公爲作鳳臺

龍鼉

游賦武府設于龍鼉之穴

滕王亭子

寂寞春山路君王不復行古牆猶竹色虛閣自松聲

鳥雀荒村暮雲霞過客情尚思歌吹入千騎把霓旌

千騎

家考王傳賜天子旌旗千乘萬騎

玉臺觀

滕王造

浩劫因王造

起云

平臺訪古遊，綵雲蕭史駐。文字魯恭

畱宮闕，通羣帝。乾坤到十洲，人傳有笙鶴。時過此

北云

山頭

渡江

春江不可

一作

渡。二月已風濤，舟楫欹斜疾。魚龍偃

卧高渚，花兼

陳作

素錦汀。草亂青袍戲，問垂綸客悠悠。

見

一作

汝曹

喜雨

南國早

云

無雨。今朝江出雲，入空纔漠漠。灑迥已紛

紛，巢鷺高飛盡。林花潤色分，晚來聲不絕。應得夜深

聞

送韋郎司直歸成都

竄身來蜀地同病得韋郎天下干一作兵戈滿江邊歲月

長別蓮花欲暮春日鬢俱蒼一云春鬢色俱蒼爲問南溪竹一云笋

抽梢合過牆余草堂在成都西郭

○ 將赴成都草堂途中有作先寄嚴鄭公五首

得歸茅屋赴成都直真爲文翁再剖符但使閭閻還

折讓敢論松竹久荒蕪魚知丙穴由來美酒憶耶箇

不用酤五馬舊曾諳小徑幾回書札待潛夫

丙穴蜀郡岷嘉魚出於丙穴鉤淵林注丙穴在漢中沔陽縣有魚穴二所常以三月取之丙地名也水經注褒水又東南得丙水口水上承丙

穴穴山嘉魚常以三月出十月入地穴口廣五六尺去平地七八尺泉懸注魚自穴下透入水穴口向丙故曰丙穴下注褒水勝地圖記興州有丙山山

有穴卽丙穴其口向丙因以爲名寰宇記大丙山小丙山在興州道政縣東南七十里其山峻壁南北相對闊七步其崖峻峭高百丈山衣石爰破於壘際北有穴方圓二丈餘其穴有水潛流土人相傳爲丙穴沮水經穴門而過或謂之大丙水每春三月上旬復有魚長七八寸或二三寸連綿從穴出躍相傳名**郾筒**成都記成都府西五十里因水標名曰郾縣以竹筒盛美酒爲嘉魚**郾筒**號曰郾筒華陽風俗錄郾縣有郾筒池池旁有大竹卽人列其節傾春釀於筒苞以藕絲罽以蕪葉信宿馨達於林外然後釀之以獻俗號郾筒酒李商隱詩錦石爲碁子郾筒當酒壺是也

處處青江帶白蘋故園猶得見殘春雪山斥候無兵馬錦里逢迎有主人休怪兒童延俗客不教鴉鴨惱比鄰習池未覺風流盡况復荊州賞更新

白蘋

蘋大萍花白
諸季春始生

竹寒沙碧浣花溪菱

一作橋

刺藤梢咫尺迷過客徑須愁

出入居人不自解東西書籤藥裹封蛛網野店山橋

送馬蹄豈

一作前

藉荒庭春草

一作新月

色先判一飲醉如泥

此首為五言之信
明言去來之故以
輝垂于歲所以
見先守之意也

杜集卷十三

九

常苦沙崩損藥欄也從江檻落風湍新松恨不高一作長

千尺惡竹應須斬萬竿生理祇憑黃閣老衰顏一作欲

付一作趣紫金丹三年奔走空皮骨信有人間行路難

錦官一作館城西生事微一作錦官生事城西微烏皮几在還思歸昔去

為憂亂兵入今來已恐鄰人非側身天地更懷古廻

首風塵甘息機共說總戎雲鳥陣不妨遊子芟荷衣

。別房太尉墓閬州

他鄉復行役駐馬別孤墳近淚無乾土低空一云空山有斷

雲對碁陪謝傳把劍覓徐君唯見林花落鸞啼送客

聞

房太尉贈以乾元元年貶郾州刺史上元元年為漢州刺史寶曆三年拜刑部尚書在路遇疾廣德元年八月卒於閬州僧舍新書載

瑄卒在寶應二年與舊書異按杜祭房公文廣德元年九月而西陽雜俎記
瑄舍閬州紫極宮見治龜茲版德那和踐言終身事皆與舊書合知新書誤
也國史補宰相自張曲江之後稱房太尉李梁公爲重德又云開元以後不
以姓而可稱者燕公曲江太尉魯公不以名而可稱者宋開府陸宣公王右
丞房太尉困學紀聞司空圖房太尉詩曰物望傾心久何巢彼巖須注謂祿
山初見分鎮詔書撫膺歎曰吾不得天下矣瑄建議遺諸王爲禘洗而度而
賀蘭進明護於肅宗晉以耶瑄立江左宋以康
王建中興以瑄聖之言觀之瑄可謂善謀矣
對碁瑄爲宰相聽黃庭蘭
彈琴李德裕遊房太
尉西池詩注房公以好琴聞於海內公此詩以謝傳圍碁爲比蓋爲房公
解嘲也劉禹錫和德裕房公舊竹亭閑祭云尚有竹間露永無碁下塵
把

劍

祭文云燕寶日
落脫劍秋高

自閬州領妻子却赴蜀山行三首

汨汨

一作播攝又
作過過日數

避羣盜悠悠經十年不成向南國復作

遊西川物役水虛照魂傷山寂然我生無倚着盡室

畏途邊

長林偃風色迴復一云首意猶迷衫裛翠微潤馬銜青草

嘶棧

二云

懸斜避石橋斷却尋溪何日干

一作

戈盡飄飄

愧老妻

行色遞隱見人煙時有無僕夫穿竹語稚子入雲呼
轉石驚魑魅抨弓落狄虜真供一笑樂似欲慰窮途

一笑

射雉賦昔賈氏之如
專始解顏于一箭前

○

山館

草堂本作移得力在佳句通章注意于此
居公安山館

南國晝多霧北風天正寒路危行木杪身遠宿雲
端山鬼吹燈滅厨人語夜闌鷄鳴問前館世亂敢求
安

行次鹽亭縣聊題四韻奉簡嚴遂州蓬州兩使
君諮議諸昆季

馬首見鹽亭高山擁縣青雲溪花淡淡一云春郭水泠
泠全蜀多名士嚴家聚德星長歌意無極好爲老夫
聽

家字記鹽亭縣因井爲名負戴山在縣西一里高二里白劍門南來過劍州入當縣龍盤虎踞起伏四百餘里至此却蹲山有飛龍泉噴下南流入梓潼江水色清冷其味甘嚴君舊書嚴震梓州鹽亭人屢出家財以助軍校州美時以爲瓊漿水長史王府詒議參軍嚴武移西川署爲押衙
震之宗人也家字記嚴震及弟孺
一墓在負戴山下去縣西一里

倚杖

鹽亭縣作

看花雖郭內

一云外

倚杖卽溪邊山縣早休市江橋春聚

船狎

一云野

鷗輕白浪

一云日

歸鴈喜青

一作清

天物色兼生意淒

涼憶去年

陪王漢州留杜綿州泛房公西湖

舊相恩追後春池賞不稀闕庭分未到舟楫有光輝

政化萼絲熟乃鳴鱸縷飛使君雙草蓋難淺正相依

房公

舊書房瑄傳上元二年八月改漢州刺史寶應二年四月拜特進西

湖

方輿勝覽房公湖又名西湖按壁記房相上元初收此郡其時始鑿湖有詩存焉李德裕漢州月夕遊汾太尉西湖詩云誰鑿濟川舟長與夜

舟歸陸務觀詩房公一跌載梁毀八年漢州爲刺史遠湖擊池一百頃島嶼屈曲三四里

舟前小鵝兒

漢州城西北角官池作

鵝兒黃似酒對酒愛新鵝引頸噴船逼一作過無行亂眼

多翅開遭宿雨力小困滄波客散層城暮狐狸奈若

何

官池

舊注官池卽房公西湖

鵝兒酒

方輿勝覽鵝黃乃漢中酒名蜀中無能及者陸務觀亦云兩川名醪鵝黃

得房公池鵝

房相西池鵝一羣眠沙泛浦白於一作雲鳳皇池上應
迴首爲報籠隨王右軍

答楊梓州

悶到房公池水頭坐逢楊子鎮東州却向青溪不相
見迴船應載阿戎遊

師古本房公池誤作楊公又造楊梓州先人鑿池之說舊注已匡其謬矣

登樓

花近高樓傷客心萬方多難此登臨錦江春色來一云水流
天地玉壘浮雲變古今北極朝廷終不改西山寇盜
莫相侵可憐後主還祠廟日暮聊爲梁甫吟

玉壘

蜀都賦包玉壘而爲宇劉注玉壘山名也瀘水出焉在成都西北岷山界在後故曰宇也寰宇記在茂州汶川縣北二里又有玉輪坂其

下水

水經注。河水又東。逕樂山。北昔諸葛亮好爲梁甫吟。每

所經。梁甫吟。取登遊故俗以樂山爲名。西漢叢語。藝文類聚。載諸葛

亮。梁甫吟。不知何義。張衡四愁詩。欲往從之。梁甫艱。言人君有德。則封

泰山。泰山以喻人君。梁甫以喻小人也。諸葛好爲梁甫吟。悉取此意。

鶴曰。此唐德二年。避亂歸成都之作。吐蕃陷京師。立廣武郡。王承宏爲帝。郭子

儀復京師。乘輿反正。故曰北極朝廷。終不改言吐蕃。雖立君終不能改命也。

後曰。西山寇盜。指吐蕃言之。非謂劍南西山也。可憐後主。還廟。廟其以代宗

任。用程元振。魚潮恩。致策。塵之。禍。而託諷於後主之用。黃皓乎。其與寄微婉

春歸

昔逕臨江竹。茅簷覆地花。別來頻甲子。倏忽一作歸到又春

華。倚杖看孤石。傾壺就淺沙。遠鷗浮水靜。輕鷺受風

斜。世路雖多梗。吾生亦有涯。此身一云且應醒復醉。乘興卽

爲家

歸鴈

東來萬里客亂定三云幾年歸腸斷江城鴈高高一作正北飛

贈王二十四侍御契四十韻

往往雖相見飄飄媿此身不關輕綬冕俱是避風塵

一別星橋夜三移斗柄春敗亡非赤壁奔走爲黃巾

子一作去何瀟灑余藏異隱淪壽成無過馬衣故有懸

鶉恐懼行裝數伶俜臥疾二云頻曉駕工迸淚秋月解

傷神會面嗟鰲黑含悽話苦辛接輿還入楚王粲不

歸秦錦里殘丹竈花溪得釣綸消一作中祇自惜晚起

索誰親伏柱聞周史乘槎有漢臣鴛鴻不易狎龍虎

未宜馴客則二云掛冠至交非傾蓋新由來意氣合直

取性情真浪跡同生死無心恥賤貧偶然存蔗芋幸

各對松筠麤飯依他日窮愁怪此辰女長裁褐穩男

大卷書勻滿口江如練蠶崖雪似銀名園當翠巘野

棹沒青蘋屢喜王侯宅時邀一作逢江海人追隨不覺晚

款曲動彌旬但使芝蘭秀何煩一作須棟宇鄰山陽無俗

物鄭驛正留賓出入竝鞍馬光輝一作輝參一作珍席珍重遊先

主廟更歷少城闔石鏡通幽魄琴臺隱絳唇送終惟

糞土結愛獨荆榛置酒高林下觀基積水濱區區甘

累跡稍稍息勞筋網聚粘圓鮒絲繁煮細尊長三云歌

敲柳癭小睡凭藤輪農月須知課田家敢忘勤浮生

難去食良會惜清晨列國兵戈暗今王德教淳要聞

除鞅猢猻作畫麒麟洗眼看輕薄虛懷任屈伸莫令
膠漆地萬古重雷陳

蔗芋

蜀都賦瓜瓞芋區甘蔗芋薑

溯口

水經注江水又歷都安縣縣有桃關漢武帝祠本水作大堰於此堰於江作溯溯有左右

口謂之溯溯江入郫江檢江以行舟俗謂之都安大堰亦曰溯堰又謂金隄左思賦西踰金隄者也寰宇記薄江縣有都安堰一名溯堰李冰擁江作壩蜀人謂堰爲溯

柳瘦

曹植詩我

寄董卿嘉榮十韻

以正防秋之切言三

聞道君牙帳防秋近赤霄下臨千雪嶺

一作千切雪

却背五

繩橋海內久戎服京師今晏朝

一作晏朝

曾爛熳官闕尚

蕭條猛將宜嘗膽龍泉必在腰黃圖遭汚辱月窟可

焚燒會取干戈利無令斥候驕居然雙捕自是一

嫖姚落日思輕騎高一作秋天憶射雕雲臺畫形像皆爲

掃氛妖

君牙

吳若本注云此邢君牙也本傳云田神功爲兗鄆節度使使君牙將也兵好時防秋神功鎮兗鄆在代宗初故曰京師今晏朝是時君牙

尚徵在神功麾下乃召斥之按此詩言君牙帳者謂君之牙帳也香嶺繩橋

皆防西之地邢君牙領防秋兵入鎮好時又扈從代宗幸陝與此詩絕不相

涉若但以君牙二字

字曲說附會耳

牙帳 唐志佛堂一百八十里至勃令驛鴻臚館至贊普

朝也字本作牙詩曰祈父子王之爪牙祈父司馬掌武備象賦以爪牙爲衛

故軍前大旗謂之牙旗出師則有建牙稱牙之事軍中聽號令必至牙旗之

下與府朝無異近俗尚武是以通呼公府門爲牙門守詭變轉而爲衙珞

新論突厥畏李靖使牙于磧中牙者旗也東京賦竿上以象牙飾之後人遂

以牙爲衙

赤霄 鶴曰赤霄言三城之高高

爲衙適謂遊在窮山之巔是也

寄司馬山人十二韻

關內昔分袂天邊今轉蓬驅馳不可說談笑偶然同
道術曾留意先生早擊蒙家家迎蘓子處處識壺公
長嘯峨嵋北潛行玉壘東有時騎猛虎虛室使仙童

髮少何勞白，顏衰肯更紅。望雲悲輓軻，畢景羨冲融。
喪亂形仍役，婁涼信不通。懸旌要路口，倚劔短亭中。
永作殊方客，殘生一老翁。相哀骨可換，亦遣馭清風。

壺公

水經注昔費長房爲市吏見王壺公懸壺郡市長房從之因而自退同
入此壺隱輪仙路骨謝懷壺無會而返雖能役使鬼神而終同物化

寄李十四員外布十二韻

齊除司議郎兼萬州別
駕雖尚伏枕已闕理裝

各參漢望苑，職述景題輿。巫峽將之郡，荆門好附書。
遠行無自苦，內熱比何如。正是炎天澗，那堪野館疎。
黃牛平駕浪，盡鷁上凌虛。試待盤渦歇，方期解纜初。
悶能過小徑，自一作月爲摘嘉蔬。渚柳元幽僻，村花不掃
除。宿陰繁素柰，過雨亂紅蕖。寂寂夏先晚，泠泠風有
餘。江清心可瑩，竹冷髮堪云梳。直作移巾几，秋帆發

弊廬。

題輿

謝承書周景爲豫州辟陳蕃爲別駕不就景題別
駕輿曰陳仲舉坐也不復更辟蕃惶懼起視職

歸來

客裏有所過

一作通

歸來知路難開門野鼠走散帙壁魚

乾洗杓開新醞低頭拭小盤

一作小冠

憑誰給麴蘖細酌

老江干

壁魚

爾雅鱗白魚注衣書中蟲
一名蛎魚本草謂之衣魚

王錄事許脩草堂費不到聊小詰

爲嗔王錄事不寄草堂費昨屬愁春雨能忘欲漏時

寄邛州崔錄事

邛州崔錄事聞在果園坊

坊名在成都

久待無消息終朝有

底忙應愁江樹遠怯見野亭荒浩蕩風塵一作外誰知

酒熟香

過故斛斯校書莊二首

老儒艱難時病於膺蜀英華注云歎其沒後方授一官公名融

此老已云歿鄰人嗟亦休

一云歿未休

竟無宣室召徒有茂

陵求妻子寄他食園林非昔遊空堂總帷在浙浙野

風秋

鷺入非傍舍鷗歸祇故池斷橋無復板臥柳自生枝
遂有山陽作多慙鮑叔知素交零落盡白首淚雙垂

公詩有走覓南鄰愛酒伴注云斛斯融吾酒徒

立秋雨院中有作

山雲行絕塞大火復西流飛雨動華屋蕭蕭梁棟秋

窮途愧知已，暮齒借前籌。已費清晨謁，那成長者謀。
解衣開北戶，高枕對南樓。樹溼風涼進，江喧水氣浮。
禮寬心有適，節爽病微瘳。主將歸調鼎，吾還訪舊丘。

軍城早秋

嚴武

昨夜秋風入漢關，朔雲邊雪一作月滿西山。更催飛將追
驕，莫遣一作放沙場匹馬還。

奉和

秋風嫋嫋動高旌，玉帳分弓射□營。已收滴博雲間
戍，更奪胡三省蓬婆雪外城。

嚴武傳：廣德二年，破吐蕃七萬餘衆，授當狗城十月。

取鹽川城，崔旰傳武遣旰統兵西山，拓地數百里。滴博嶺在維州，韋粲
傳出西山，靈關破，旰和通，定廣城，旰的博嶺，遂圍維州，旰擊旰攻下羊
等三城，取劍山屯，旰之李義山獻詩，使旰詩，旰應命，西山莫敢驚，奇辭

花六笑人風致
絕好

牧的博瑞蓬婆元和郡國志柘州城西面險阻易于固守有安武江蓬婆坐掃樓槍水在州南三十里大雪山一名蓬婆山在柘縣西北一百里吐蕃傳開元二十六年王昱率劍南兵文安戎頓兵於蒲婆嶺下運劍南道資糧以守之胡三省曰新書作蓬婆嶺其地在雪山外

院中晚晴懷西郭茅舍

幕府秋風日夜清
澹雲疎雨過高城
葉心朱實看一作
時落階面青苔先
自生復有樓臺銜
暮景不勞鐘鼓
報新晴浣花溪裏
花饒笑肯信吾兼一作
吏隱名

張璠曰此公有不樂於幕府者也明年正月遂行歸草堂

到村

碧澗雖多雨秋沙先去聲陳
少泥蛟龍引子過荷菱逐
花低老去參戎幕歸來散馬蹄
稻梁須就列榛草卽
相迷蓄積思江漢疎頑吳一作
感一作叮哇稍吳一作
酬知已分

還入故林栖

引子

西京雜記：獵于河決有峻，從九子自尖中，遊上入河，噴沫流波數十里。

宿府

清秋幕府井梧

一作桐

寒獨宿江城蠟炬

一作燭

殘永夜角聲

悲自語中天月色

好誰看風塵荏苒音書絕

關塞蕭條行路難

已忍伶俜十年事強移栖息一枝安

遣悶奉呈嚴

吳本有聯字

公二十韻

白水魚竿客清秋鶴髮翁

一作居

胡為來幕下祇合在舟

中黃卷真如律青袍也

一作便

自公老妻憂坐痺幼女問

頭風平地專欲倒分曹失異同禮甘衰力就義忝上

官通疇昔論詩早光輝仗鉞雄寬容存性拙剪拂念

感概在中聯角
聲月色之自傷情

途窮露衰思藤架。煙霏想桂叢。信然龜觸網。直作鳥
窺籠。西嶺紆村北。南江遶舍東。竹皮寒舊翠。椒實雨
新紅。浪簸船應圻。杯乾甕卽空。藩籬生野徑。斤斧任
樵童。束縛酬知己。蹉跎効小忠。周防期稍稍。太簡遂
忽忽。曉入朱扉啓。昏歸畫角終。不成尋別業。未敢息
微躬。烏鵲愁銀漢。駘駘怕錦幪。會希全物色。時放倚
梧桐。

南江

南洋師二江也。舊書云結廬枕江。元和郡國志大江一名及江。一名流江。經成都縣南七里。李水穿二江。成都中書可行舟于浣花里。

曉入

周益公詩話。韓退之上張僕射書云。使院故事。夜入夜歸。非有疾。病亦自少。暇如牛僧孺持。

杜牧固不以常禮也。

送舍弟頰

草堂本
作頰

赴齊州三首

岷嶺南蠻北徐關東海西此行何日到送汝萬行啼
絕域惟高枕清風獨杖藜危時暫相見衰白意都迷
風塵暗不開汝去幾時來兄弟分離苦形容老病催
江通一柱觀日落望鄉臺客意長東北齊州安在哉
諸姑今海畔兩弟亦山東去傍干戈覓來看道路通
短衣防戰地匹馬逐秋風莫作俱流落長瞻碣石鴻

諸姑

鶴曰公作范陽太君盧氏墓誌審言之女薛氏所出者適魏上瑜妻
榮期盧正均皆前卒盧氏所出者適京兆王佑會稽賀馮會稽顏干

海碣石

淮南覽冥訓過臨雁干碣石
也碣石廣絕文論賦歸鴻干碣石

嚴鄭公指下新松

得字

弱質豈自負移根方爾瞻細聲聞一作玉帳疎翠近珠
簾未見紫煙集虛蒙清露霽何當一百丈欹蓋擁高

簷

嚴鄭公宅同咏竹

得香字

綠竹半含籜，新梢纔出墻。色侵書帙晚，陰過酒樽涼。
雨洗娟娟淨，風吹細細香。但令無剪伐，會見拂雲長。

○ 奉觀嚴鄭公廳事岷山沱江畫圖十韻

得忘字

沱水流

一作

中座岷山到

一作

此

一作

堂白波吹

一作

粉壁

青

嶂插雕梁直，誅杉松冷兼。疑菱荇香，雪雲虛點綴。沙

草得微茫，嶺鴈隨毫末。川蜺飲練光，霏紅洲藥亂。拂

黛石蘿長，暗谷

一作

非關

雨丹楓

一作

不爲

霜秋成

一作

玄

圃外景物洞庭旁，繪事功殊絕。幽襟興激昂，從來謝

太傅丘壑道難忘。

晚秋陪嚴鄭公摩訶池泛舟

得澳字

湍駛風醒酒船迴

一作行

霧起隄高城秋自落雜樹晚相

迷坐觸鴛鴦起巢傾翡翠低莫須驚白鷺爲伴宿青

溪

摩訶池

寰宇記杆池一名摩訶池昔蕭摩訶所置在錦城西元和郡國志摩訶池在州中城西

初冬

垂老戎衣窄歸休寒色

一云氣

深漁舟上急水獵火著高

林日有習池醉愁來梁甫吟干戈未偃息出處遂何

心

至後

冬至至後日初長遠在劔南思洛陽青袍冒馬有何

意金谷銅駝非故鄉。梅花欲開不自覺。綠萼一別永相望。愁極本憑詩遣興。詩成吟詠轉淒涼。

金谷

水經注金谷水出河南太白原東南流歷金谷園之金谷水東南流經石崇故居

銅駝陸機洛陽記漢鑿

四會道頭
夾路相對

正月三日歸溪上有作簡院內諸公

野外堂依竹。籬邊水向城。蟻浮仍臘味。鷗泛已春聲。
藥許隣人獻。書從稚子擎。白頭趨幕府。深覺負平生。
弊廬遣興奉寄嚴公

野水平橋路。春沙映竹村。風輕粉蝶喜。花暖蜜蜂喧。

把酒且

一作宜

深酌題詩好。細論府中瞻。暇日江上憶。詞

源跡忝

一作寄

朝廷舊情依。節制尊還思。長者轍。恐避席。

爲門

春日江村五首

農務村村急，春流岸岸深。乾坤萬里眼，時序百年心。
茅屋還堪賦，桃源自可尋。艱難賤一作必陳作昧生理，飄泊到

如今

乾坤二句

鮑明遠詩爭先萬里途各事百年身

迢遞來三蜀，蹉跎有一作又

六年客身。逢故舊，發興自林

泉過懶從衣結，頻遊任履穿。藩籬無限

景陳州本並作勝無限

恣意

買

一作向

江天

種竹交加翠，栽桃爛熳紅。經心石鏡月，到面雪山風。
赤管隨王命，銀章付老翁。豈知牙齒落，名玷薦賢中。

赤管

漢官儀尚書令僕丞郎月給赤管大筆一雙家通曰北官著作又二千石以上銀印龜紐刻曰某官之章

扶病垂朱綬歸休步紫苔
郊扉存一作晚計暮疴媿羸
林燕外晴絲卷鷗邊水葉開
鄰家送魚鼈問我數能來

琴盜哀王粲中年召賈生
登樓初有作前席竟爲榮
宅入先賢傳才高處士名
異時懷二子春日復含情

先賢傳

郡國志長沙南寺賈誼宅亦胸佩宅在焉殷雲卜之荆州有廟寺東有賈誼宅宅有井小而深上飲下大狀似壺

傍局脚石床客一人坐即誼所坐也出盛弘之荆州記又云誼宅今爲胸佩廟時種甘猶有存者出庾穆之湖州記葉沔記繁欽宅王粲宅並在襄陽井

盛尚存

絕句六首

日出籬東水雲生舍北泥
竹高鳴翡翠沙僻舞鷗

一作鷗

鷄

鶯鶯花藥亂飛飛蜂蝶多幽棲身懶動客至欲如何

鑿井交椶葉吳若本注交椶作井繩也開渠斷竹根扁舟輕裊纜小逕

曲通村

急雨捎溪足斜暉轉樹腰隔巢黃鳥竝翻藻白魚跳

舍下笋穿壁庭中藤刺一作到簷地晴絲冉冉江白草纖

纖

江動月移石溪虛雲傍花鳥棲知故道帆過宿誰家

絕句四首

堂西長笋別開門塹北行椒却背村梅孰許同朱老

喫松高擬對阮生論宋阮劭外相知

欲作魚梁雲復一作覆湍因驚四月雨聲寒青溪先有蛟

龍窟竹石如山不敢安

兩箇黃鸝鳴翠柳一行白鷺上青天窓含西嶺千秋

雪門泊東吳萬里船

西山白雲
四時不消

藥條藥一作藥甲潤青青色過棕亭入草亭苗滿空山懸

取譽根居隙地怯成形

杜工部集卷之十三

宜興縣陳維崧其年氏

同校

季公琦希韓氏

杜工部集卷之十四

虞山蒙叟錢謙益箋註

近體詩一百十九首

行過成渝州居雲安夔州作

哭巖僕射歸觀

素幔隨流水歸舟返舊京老親如宿昔部曲異平生
風送一作蛟龍雨一作天長驃騎營一哀三峽暮遺後見

君情

蛟龍匣

西京雜記漢帝送死皆珠襦玉匣武帝匣上皆鏤爲蛟龍鸞鳳龜麟之象世謂爲蛟龍玉匣按霍光傳賜璽珠襦玉衣梓宮則

人臣亦可稱蛟龍匣也

宴戎州楊使君東樓

勝絕驚身老情忘發興奇座從歌妓密樂任主人爲

重碧拈

作醉一作擊一作活

春筍

酒輕紅擘荔枝樓高欲愁思

橫笛未休吹

戎州

太平寰宇記春秋為樊侯國梁為戎州隋煬帝廢以其地為犍為郡

拈酒

趙曰元稹元日詩羞看稚子先拈酒白樂天歲

假詩歲酒先拈辭不得拈酒唐人語也作酤非是

荔枝

寰宇記戎州樊道縣有荔枝園郡志云樊任施桑中最賢者古所謂樊儵之

富多以荔枝為菜園植萬株一樹可收一百五十斛又有荔枝羅方輿勝覽荔枝屬在倅廳名曰萬朵紅又一本在尉廳一樹四柯西南一柯獨肉厚而味甘

黃昏府云

渝州候嚴六侍御不到先下峽

聞道乘驄發沙邊待至今不知雲雨散虛費短長吟

山帶烏蠻關江連白帝深船經一柱觀畱眼一作共登

臨

渝州

元和郡國志渝州古之巴國也開皇元年改為渝州以渝水為名寰宇記其地東至魚復西連樊道北接漢中南極犛峒

峽

寰宇記明月峽在巴縣東八十里

烏蠻

梁益州記雋州雋山其地按諸蠻部有烏蠻秋蠻

撥悶

六贈裝二別號

聞道雲安麴米春纔傾一盞卽醺人乘舟取醉非難
事下峽消愁定幾巡長年三老遙憐汝板拖開頭一作
捷有神已辦青錢防雇直當令美味入吾脣

麴米春

東坡云退之詩且可勸買拋青春杜詩有麴米春裴嗣傳奇有松醪春國史補云郢之富水烏賀之若下榮陽之上窟春富汗

之石凍春銀鉤之曉春乃知唐人名酒多以春也

聞高常侍亡

惠州作

歸朝不相見蜀使忽傳亡虛歷金華省何殊地下郎
致君丹檻折哭友白雲長獨步詩名在祗令故舊傷

永泰元年正月左

故詩書寺高適名

宴忠州使君姪宅

出守吾家姪，殊方此日歡。自須遊阮巷，一作舍不是怕湖

一作溪灘樂助長歌逸，一作送杯饒旅思寬。昔曾如意舞牽

率強為看

忠州後漢巴東郡貞觀八年改臨州為忠州以地邊巴徼意懷忠信為名湖映程記四百五十里有清水重峰湖潭漢灘

禹廟

禹廟空山裏，秋風落日斜。荒庭垂橘柚，古屋畫龍蛇。

雲氣生虛壁，一云噴清壁江聲走白沙。早知乘四載，疏鑿一云流落

控三巴

禹廟方輿勝覽禹祠在忠州臨江縣南過岷江二里龍蛇招魂仰觀刻楹畫龍蛇些深幸老云楠柚錫貢驅龍蛇皆禹之

事公因見此有感也三巴山海經六西南有巴國三巴記云開白二水東南流曲折三回如巴字故謂三巴郭璞江賦巴東之峽夏后疏

鑿元和郡國志琅邪封高祖爲漢王王巴蜀天下既定乃分巴蜀置夔州
郡武帝又置犍爲郡劉璋爲益州牧於是分巴郡自墊江已下爲永寧郡
先王又以固陵爲巴東郡于
是巴郡分而爲三號曰三巴

題忠州龍興寺所居院壁

忠州三峽內井邑聚雲根小市常爭米孤城早閉門
空一作堂看過客淚莫覓主人恩淹泊仍愁虎深居賴獨

園

陸務觀有龍興寺平少陵先生寓居詩尾彈老
臣身萬里天寒來此處江聲寺門聽江聲其壯

旅夜書懷

細草微風岸危檣獨夜舟星垂平野闊月湧大江流
各豈文章著官應老病休飄飄一作零何所似天地一作外一

沙鷗

星垂俗本
多作星鷗

別常徵君

兒扶猶杖策，卧病一秋強。
白髮少新洗，寒衣寬摠長。
故人憂見及，此別淚相忘。
各逐萍流轉，來書細作行。

十二月一日三首

意東隱歌聲情始於此

今朝臘月春意動，雲安縣前江可憐。
一聲何處送書

雁，百丈誰家上水。

一作機

船未將梅蕊，驚愁眼。

一作更取楸

一作椒花嬌遠天，明光起草人所羨。
肺病幾時朝日邊。

雲安冬蒸肺變有種，務又家有鹽井，其俗以女當門戶，名鹽井。

寒輕市上山，煙碧日滿樓。
前江霧黃負鹽出，井此谿

女打鼓發船何郡郎，新亭舉目風景切。
茂陵著書消

渴長春花不愁不爛熳，楚客唯聽棹相將。

新亭

山謙之丹陽記新亭吳舊亭也隆安中丹陽尹司馬恢移制今地

楚客

楚客謂楚客將送也

卽看鷺子入山扉
豈有黃鸝歷翠微
短短桃花臨水
岸輕輕柳絮點人衣
春來準擬開懷久
老去親知見面稀
他日一盃難強進
重嗟筋力故山違

又雪

南雪不到地
青崖霑未消
微微向日薄
脉脉去人遥
冬熱鴛鴦病
峽深豺虎驕
愁邊有江水
焉得北之朝

奉漢中王手札

國有乾坤大
玉今叔父尊
剖符來蜀道
歸蓋取荆門
峽險通舟過
陳作江長注海奔
主人畱上客
避暑得名園
前後緘書報
分明饌玉恩
天雲浮絕壁
風竹在華

軒已覺良宵永

陳作

何看駭浪翻入期朱邸雪朝傍紫

微垣枚乘文章老河間禮樂存悲秋宋玉宅失路武

陵源淹薄俱崖口東西異石根園音迷咫尺鬼物傷

一作

黃昏犬馬誠爲戀狐狸不足論從容草奏罷宿昔

奉清箒

贈崔十三評事公輔

飄飄

吳作

西極馬來自渥洼池颯颯定

一作案

山桂低徊

風雨枝我聞龍正直道屈爾何爲且有元戎命悲歌

識者誰

吳作

官聯辭冗長行路洗畝危脫劍主人贈去

帆春色隨陰沉鐵鳳闕教練羽林兒天子朝侵早雲

臺仗數移分軍應供給百姓日支離黠吏因封已公

才或守雌燕王買

一作賈

駿骨涓老得熊羆活國名公在

拜壇群冠疑冰壺動瑤碧野水失蛟螭入幕諸彥集
渴賢高選宜騫騰坐可致九萬起於斯復進出矛戟
昭然開鼎彝會看之子貴歎及老夫衰豈但江曾決
還思霧一披暗塵生古鏡拂匣照西施舅氏多人物
無慙困翮垂

寒山

謝靈運入華子岡詩南
州實炎德桂樹凌寒山

長江二首

衆水會涪萬瞿塘爭一門朝宗人共挹盜賊爾誰尊
孤石隱如馬高蘿垂飲猿歸心異波浪何事卽飛翻

涪萬

鶴曰瞿塘在夔州東
安與萬州爲鄰使君

一里而雲安在州西百三十里雲
灘占西境故此詩爲雲安作

瞿塘

水經

中有瞿塘倉龍二巖水迴復於所忌對宇謂瞿塘在夔州東一里古
西陵峽也連崖千丈奔流電激舟人爲之恐懼方輿勝覽謂坊峽乃三峽
之門兩崖對峙中

如馬

蜀江中心瞿塘峽口李膺益州記云漣瀾堆夏

水漲沒數十丈其狀如馬舟人不敢進又曰猶預言舟子取途不

飲猿

決水厥故猶預也樂府作涪後其歌曰涪涪大如馬瞿塘不可下
水經注巴東郡治白帝山城西南臨大江關之駘曰唯馬嶺小差逐連雞
漸爲路羊腸數四然後得上益州刺史鮑陋鑿此爲鑿道福所謂城裏無
泉乃南開水門鑿石爲函道上施木天公直下至江中有似猿臂相牽汲
引然後得水水門之西江中有孤石爲涪涪石冬出水二十餘丈夏則沒

亦有裁
由矣

浩浩終不息乃知東極臨

一作

衆流歸海意萬國奉君

心色借瀟湘闕聲驅灑瀨深

一作

未辭添霧雨接上

遇一作衣襟

承聞故房相公靈觀自閬州啓殯歸葬東都有

作二首

遠聞房太守一作歸葬陸渾山一德興王後孤魂久客
間孔明多故事安石竟崇班他日嘉陵涕仍霑楚水
還

陸渾山

舊許瑄少好學與東平呂向遷於陸渾伊陽山中讀書凡十餘歲

一德

伊尹作咸有一德以成太甲曰惟尹

躬脩湯祿有一德瑄建分鎮討賊之說首定盛復之功故以一德興王許之瑄爲肅宗所惡幾有伊生嬰戮之禍故以伊尹比之亦寓意于肅父子之

孔明

蜀志臣壽等言臣前在著作郎侍中領中書監濟北侯臣壽闕也

安石

上獻之傳謝安表贈禮有異同之議惟獻之嘉陵寰宇記周

源出秦州嘉陵因名嘉陵卽嘉陵地圖云水

閩中永嘉水發巴下之江也丹旄飛飛日初傳發閩州風塵終不解江漢忽同流

長休

劔動新趙云善本作親身匣書歸故國樓盡哀知有處爲客恐

雲安九日鄭十八攜酒陪諸公宴

寒花開已盡，菊蕊獨盈枝。
舊摘人頻異，輕香酒甕隨。
地偏初衣袂，山擁更登危。
萬國皆戎馬，酣歌淚欲垂。

荅鄭十七郎一絕

雨後過畦潤，花殘步履遲。
把文驚小陸，好客見當時。

將曉二首

石城除擊柝，鐵鎖欲開關。
鼓角悲荒塞，星河落曙山。
巴人常小梗，蜀使動無還。
垂老孤帆色，飄飄犯百

一作白

軍吏回官燭，舟人自楚歌。
寒沙薄霧落，月去清波。
壯惜身名晚，衰慙應接多。
歸朝日簪笏，筋力定如何。

懷錦水居止二首

軍旅西征僻風塵戰伐多猶一作獨聞蜀父老不忘舜謳歌
天險終難立柴門豈重過朝朝巫峽水遠逗錦江波

萬里橋南當作西宅百花潭北莊層軒皆面水老樹飽經霜
雪嶺界天白錦城曛日黃惜哉形勝地回首一茫茫

子規

峽裏雲安縣江樓翼瓦齊兩邊山木合終日子規啼
眇眇春風見蕭蕭夜色淒客愁那聽此故作傷人低

一作放傷旅人低

吳曾漫錄鮑彪詩譜柳子厚永州遊山記云多秣歸之舍秣歸是蜀中地名疑其地多此會也史記曆書秣鳩先澤注秣音秣鳩音規子規鳥也一名鷓鴣乃知子規作秣歸不為無本矣按鄴道元水經注乃縣之名秣歸以屈原姊得名鮑說非也

立春

春日春盤細生菜忽憶兩京梅發時盤出高門行白
玉菜傳纖手送青絲巫峽寒江那對眼杜陵遠客不
勝悲此身未知歸定處呼兒覓紙一題詩

春盤

據遺東晉李鄂立春日命以蘆葍片芽為菜盤
相魏既四時寶鏡立春日春餅生菜號春盤高門 三輔舊事武帝於未央宮起高門武臺殿鮑宣傳高門去首戶數十步求見出入二年未省水

經注北出西頭第二門木名洛門又曰朝門一曰高門蘇林曰高門長安城北門也一曰厨門其內有長安厨官在東故曰厨門也

漫成一絕

江月去人只數尺風燈照夜欲三更沙頭宿鷺聯拳

靜

一作起

船尾跳魚撥

一作

刺鳴

撥刺

吳曾漫錄思立賦云響威弧之撥刺注撥刺張弓聲而非魚也大
白詩雙鯉呀呷鱗鱗張跋刺銀盤欲飛去意與杜同以撥爲跋

老病

老病巫山裏稽留楚客中藥殘他日裏花發去年叢
夜足霑沙雨春多逆水風合分雙賜筆猶作一飄蓬

賜筆

漢官儀尚書丞郎月給赤
管大筆一雙險廉墨一枚

南楚

南楚青春異暄寒早早分無名江上草隨意嶺頭雲
正月蜂相見非時鳥共聞杖藜妨躍馬不是故離群
寄常徵君

白水青山空復春徵君晚節傷風塵楚妃堂上色殊

衆海鶴堦前鳴向人萬事糾紛猶絕粒一官羈絆實
藏身開州入夏知涼冷不似雲安毒熱新

開州

開州盛山郡巴郡胸腹縣地東至夔州雲安縣龍目驛一百九十里

寄岑嘉州

州濠蜀江外

不見故人十年餘不道故人無素書願逢顏色關塞
遠豈意出守江城居外江三峽且相接斗酒新詩終
日一作疎謝眺每篇堪諷誦馮唐已老聽吹噓泊船秋
夜經春草伏枕青楓恨玉除眼前所寄選何物贈子
雲安雙鯉魚

按杜確岑嘉州詩集序參自庫部正郎出爲嘉州杜鴻漸表爲職方郎中兼侍御史列於幕府無幾使罷寓居于蜀鴻漸使罷還朝在大曆二年六月則公寄此詩當在元年

移居夔州郭

伏枕雲安縣。遷居白帝城。春知催柳別。江與已作放船。
清農事。聞人說。山光見鳥情。禹功饒斷石。且就土微平。

夔州

寰宇記夔州春秋時為夔子國秦為巴郡地漢屬益州卸漢書地理志云江關都尉理魚復有桐官即此地也公孫述至魚復有白

龍出井中因號魚復為白帝城蜀先主敗于夔陵退屯白帝改為永安郡武德二年改夔州天寶元年改雲陽郡乾元元年復為夔州夔州雲安縣上水去夔州奉節縣二百四十三里微平水經注江水又東逕廣谿峽斯乃三峽之首也蓋自昔禹鑿以通江郭景純所謂巴東之峽夏

后疏鑿者方輿勝覽引杜詩舊注云公峽皆開鑿而成故少平土惟夔州稍平耳

舟下夔州郭宿雨濕不得上岸別王十二判官

依沙宿舸舫。石瀨月娟娟。風起春燈亂。江鳴夜雨懸。

晨鐘雲外濕。勝地石堂煙。柔櫓輕鷗外。含悽覺汝

賢

雨不絕

鳴雨既過漸細

晉作細雨

微映空搖颺如絲飛塔前短草泥

不亂院裏長條風乍稀舞石旋應將乳子行雲莫自

濕仙衣眼邊江舸何忽促未待

晉作得

安流逆浪歸

舞石

水繩注石驚山其山有石掛而狀驚因以名山其石或大或小若母子焉及雷風相薄則石驚舞飛頭如真驚矣羅君章云今書

不必筒乘也

崔評事弟許相迎不到應慮老夫見泥雨怯出

必愆佳期走筆戲簡

江閣要賓許馬迎午時起坐自天明浮雲不負青春

色細雨何孤白帝城身過花間露濕好醉於馬上往

來輕虛疑皓首衝泥怯實少銀鞍傷險行

宿江邊閣

暝色延山逕高齋次水門薄雲巖際宿孤月浪中翻
鶴鶴追飛靜一作畫豺狼得食喧不眠憂戰伐無力正乾
坤

夜宿西閣曉呈元二十一曹長

城暗更籌急樓高雨雪微稍通綃幕霽遠帶玉繩稀
門鵲晨光起一作喜牆一作牆烏宿處飛寒江流甚細有意待
人歸

檣烏

檣烏舊注以爲相風之鳥又謂門鵲指門端刻畫皆曲說也

西閣口號

呈元二十一

山木抱雲稠。寒江繞上頭。雪崖纔變石。風幔不依樓。
社稷堪流涕。安危在運籌。看君話王室。感動幾銷憂。

西閣雨望

樓雨霑雲幔。山寒一作高著水城。逕添沙面出。湍減石稜。
生。菊蕊淒疎放。松林駐遠情。滂沱朱檻濕。萬一作片慮傷。

一作
簷楹

不離西閣二首

江柳非時發。江花冷色頻。地偏應有瘴。臘近已含春。
失學從愚子。無家住一作在老身。不知西閣意。肯別定畱

何人

舊注落句言西閣之意肯
令我別乎。莫定要畱人也。

西閣從人別人今亦故亭江雲飄素練一作素練石壁斷一作斷
空青滄海先迎日銀河倒列星平生耽勝事吁駭始
初經

西閣三度期太昌嚴明府同宿不到

問子能來宿今疑索故要匣琴虛夜夜手板自朝朝
金吼霜鐘徹花催臘一作作炬銷早息江檻底雙影漫飄

霜鐘

山海經豐山有九鐘焉是知霜
鳴郭云霜降則鐘鳴故言知也

西閣二首

巫山小搖落碧色見松林百鳥各相命孤雲無一作非自
心層軒俯江壁要路亦高深朱紱猶紗帽新詩近玉

琴功名不早立衰病一作疾謝知音哀世非一作無王祭終然

一作朝學越吟

相命

登樓鳳鳥相鳴而舉翼大戴禮夏小正曰鳴也者相命也

越吟

登樓鳳在鳥顯而越吟

懶心似江水日夜向滄洲不道含香賤其如鑠白休

經過調

一作湖

碧柳蕭索

一作瑟

倚朱樓畢娶何時竟消中得

自由豪

一作榮

華看古往服食寄冥搜詩盡人間興兼須

入海求

含香

漢官儀尚書郎握蘭含雞舌香奏事與黃門侍郎對揖

8

閣夜

不露一閣夜字忘非閣夜神情絕妙

歲暮陰陽催短景天涯霜雪霽寒宵五更鼓角聲悲

壯三峽星河影動搖野哭幾

一作千

家聞戰伐園歌數

是

處起漁樵卧龍躍馬終黃土人事依依漫

一作音塵日
作音書願

寂

寥

五言詩句見世說而天竺之古人已矣其音音言三語記子此際收可感

星河

天官書天一槍梃矛盾動擢角大兵起漢書元光中天星盡墜上以問候星者對曰星播者民勞也後伐四口百姓勞于兵革漢武

故事元光元年天星大動光耀煥煥竟天數夜乃止上以問董仲舒對曰是謂星搖民人勞之妖也是歲謀伐匈奴天下始不安

卧龍

躍馬

炎岩本注夔州有白帝祠郭外有孔明廟

西閣夜

前景後情亦是感興之作

恍惚寒山暮透迤白霧昏山虛風落石樓靜月侵門
擊柝可憐子無衣何處村時危關百慮盜賊爾猶存

灑西寒望

水色含群動朝光切太虛年侵

一作終

頻悵望興遠一蕭

疎猿挂時相學鷗行烟自如瞿塘春欲至定卜灑西

居

襄西

方輿勝覽大溪木在奉節縣入蜀
記土人謂山間之流通江者曰襄

入宅二首

赤甲白
鹽二山

奔峭背赤甲斷崖當白鹽客居愧遷次春酒漸多添
花亞欲移竹鳥窺新捲簾衰年不敢恨勝槩欲相兼

奔峭

謝靈運詩徒旅苦奔峭善引淮南子岸峭
者必阨詳慎曰陀落也然則峭亦落也

赤甲

水經江水又東
南逕赤岬西注

是公係述所造因山其勢周迴七里一百四十步東高二百丈西北高
千丈南連碁白帝山其高大不生樹木其石悉赤土人云知人祖胙故謂
之赤岬山淮南子曰徬徨于山岬之徬注岬山脊也郭仲產曰斯名將
兩此而興矣荆州圖記云魚復縣西北赤甲城東連白帝城西臨大江
白鹽水經注廣谿峽斯乃三峽之首也其間三十里類巖倚木厥勢殆交北
岸山上有神淵淵北有白鹽崖高可千餘丈俯臨神淵土人見其高白
故因名之寰宇記白鹽山
在州城澗東山半有神池

亂後居難定春歸客未還水生魚復腹音浦雲暖麝香

山半

樊作粉

頂梳頭白過眉拄杖班相看多使者——問

函關

魚復浦

袁字志奉節縣本漢魚復縣也今縣北三十里有赤甲城是舊

魚復縣其地理志江關都尉理魚復有楠宮水經注江水又東

麝香山

袁字志在

風高電射巨魚却而不得上故名曰魚復浦也

南一百一十里冬麝

瑋歸縣東

宋玉歸州宅雲通白帝城吾人淹老病旅食豈才名

峽口風常急江流氣不平只應與兒子飄轉任浮生

歸州

漢志秭歸本圖杜預曰夔國唐置歸州西溪叢語曰歸州亦有宋玉宅

赤甲

卜居赤甲遷居新兩見巫山楚水春炙背可以獻天

子美芹由來知野人荊州鄭薛寄書近蜀客邠岑非

我鄰笑接郎中評事飲病從深酌道吾真

炙背

嵇康絕交書野人有快炙背而美芹子者欲獻之至尊雖有區區之意亦已疎矣

郁岑

符載楊歸墓志永泰三載相國

杜公鴻漸奏授犀浦縣令僚友杜員外甫岑郎中參

都舍人郎聞公擯落失聲咨嗟鄭薛郎鄭春薛據也

卜居

歸羨遼東鶴吟同楚執珪未成遊碧海著處覓丹梯

雲障

陳作

寬江左

北

春耕破壤西桃紅客若至定似昔

晉人逃

暮春題灤西新賃草屋五首

久嗟三峽客再與暮春期百舌欲無語繁花能幾時谷

虛雲氣薄波亂日華遲戰伐何由定哀傷不在茲

此邦千樹橘不見比封君養拙干戈際全生麋鹿群

畏人江北草旅食灑西雲萬里巴渝曲三年實飽聞

封君

水經注沅水東歷龍陽縣之汜洲洲長二十里吳丹陽太守李衡植柑于其上臨死勅其子曰吾洲里有木奴千頭不貴衣食歲絹

千疋太史公曰江陵千樹橘可當封君此之謂美澗柑成歲絹千疋

巴渝曲

音樂志漢高祖自蜀漢將定三秦關中范因率賁人

以從帝爲前鋒及定秦中封因爲關中侯復賁人七姓其俗喜舞高祖樂其猛競數觀其舞後使樂人習之關中有渝水因其所居故名曰巴渝舞

三年

公以永泰元年五月下忠諭至夔大曆三年正月出峽今二年之暮春故曰三年

綵雲陰復白錦樹曉

管作

來青身世雙蓬鬢乾坤一草

亭哀歌時自短醉舞爲誰醒細雨荷鋤立江猿吟翠

屏

壯年

管作

學書劍他日委泥沙事王非無祿浮生卽有

涯高齋依藥餌絕域改春華喪亂丹心破王臣未一

家

欲陳濟世策已老尚書郎未息豺虎鬪空慙鴛鴦行

時危人事急

音作

風逆

音作

羽毛傷落日悲江漢中宵淚

滿床

前三首言深西草堂之境以暮春忽起涼以新賃草屋言之末二首言連時多霜不澤見用之感

園

仲夏流多水清晨向小園碧溪搖艇闕朱果爛枝繁
始爲江山靜終防市井喧畦蔬繞茅屋自足媿盤飧

豎子至

漬梨且

一作

綴碧梅杏半傳黃小子幽園至輕籠熟奈

香山風猶滿把野露及新嘗欲寄

一作

江湖客提攜日

月長

漬山海經洞庭之山其木多相梨楸櫟

奈

蜀都賦朱櫻春熟奈奈夏成

示獠奴阿段

山水蒼蒼落日曛竹竿裊裊細泉分郡人入夜爭餘

瀝豎雅子尋源獨不聞病渴三更迴白首傳聲一注

濕青雲曾驚陶侃奴異怪爾常穿虎豹群

獠奴北史獠無名字以長幼次第呼之丈夫稱阿蒼阿段婦人稱阿回阿等之類奴陶侃曰奴未詳所出舊引偽按注今

削之有人云見劉敬叔異苑考之仍是僞蘇注也異苑是流俗刻本或繕寫人勳入耳不足據

秋野五首五首是連看乃佳久居楚府不深意而作此故首章有柴舟卜室三詞信語有查語各半之嘆也

秋野日疏荒蕪寒江動碧虛繫舟蠻井絡卜宅楚

村墟棗熟從人打葵荒欲自鉢盤殮老夫食分

減及溪魚

井絡蜀都岷山之精上爲井絡注

此二首虛接
承前首意

如此結法自然
是前句下首去
不是即外便之
也

仍念到秋野說

歸結到此
結語與前首

杜集卷一四

五

易識浮生理難教一物違水深魚極樂林茂鳥知歸

吾老甘貧病榮華有是非秋風吹几杖不厭此

北作山

薇

如此起法自然是接上首來不是文起

禮樂攻吾短山林引興長掉頭紗帽仄曝背竹書光

風落收松子天寒割蜜房稀疏小紅翠駐展近微香

密房

獨都賦密房卻賦破其阜
班固終南頌密房潘其龜

遠岸秋沙白連山晚照紅潛鱗輸駭浪歸翼會高風

砧響家家發樵聲箇箇同飛霜任青女賜被隔南宮

青女

淮南子秋三月青女乃出以降霜雪高誘注曰青女天神青女
玉女王霜雲也昭明太子博山香鑪賦青女司寒紅花駭景

賜

被

藥松傳詔大官賜尚書
郎下食并給帷被

身許騏驎晝年衰鴛鴦群大江秋易盛空峽夜多聞

并心司相履身
親垂土而忍福
有官原依在此

逕隱千重石。帆留一片雲。兒童解蠻語。不必作參軍。

溪上

峽內淹留客。溪邊四五家。古苔生_{一作濕}地。秋竹隱

疎花。塞俗人無井。山田飯有沙。西江使船至。時復問

京華。

樹間

岑寂雙甘樹。婆娑一院香。交柯低几杖。垂實礙衣裳。

滿歲如松碧。同時待菊黃。幾迴_{一作落}露葉。露乘月坐圓

牀。

課小豎。鋤斫舍北果。林枝蔓荒穢。淨訖移牀三

首 二云秋月
關居三首

題作詩三首
殊真與題相稱

六字二首已見
題意後二首以
移本後風景
一亦寫出

病枕依茅棟。荒鉏淨果林。背堂資僻遠。在野興清深。

山雉防求敵。江猿應獨吟。洩雲高不去。隱几亦無心。

衆壑生寒早。長林卷霧齊。青蟲懸就日。朱果落封_成。

泥薄俗防人_理。面_作全身學馬蹄。吟詩坐_重。迴首隨意

葛巾低。

籬弱門何向。沙虛岸只_自摧。日斜魚更食。客散鳥還

來。寒水光難定。秋山響易哀。天涯稍黯黑。倚杖更_獨

徘徊。

此種是上本今色正以句法聲律為難。

寒雨朝行視園樹

性情有秀色之佳境

柴門雜樹向千株。丹橘黃甘此地無。江上今朝寒雨

歇。籬中秀_{一作邊}色盡屏紆。桃蹊李逕年雖故_{一作}。梔子紅

椒艷復殊鑠石藤梢元自落倚刊作到天松骨見來枯林

香出實垂將盡葉滯辭一作離枝不重蘇愛日恩光蒙借

貸清霜殺氣得憂虞衰顏更一作動覓藜床坐緩步仍須

竹杖扶散騎未知雲閣處啼猿僻在楚山隅

雲閣

秋興賦寫直下散騎之
省高閣連雲陽景字樣

季秋江村

喬木村墟古疎籬野蔓懸清一作素琴將暇日白首望霜

天登俎黃甘重支床錦石圓遠遊雖寂寞難見此山

川

小園

由來巫峽水本自楚人家客病畱因藥春深買爲花

秋庭風落果，灑岸雨頽沙。問俗營寒事，將詩待物華。

自灑西荆扉，且移居東屯茅屋四首

白鹽危嶠北，赤甲古城東。平地一川穩，高山四面同。

燐霜淒野日，杭稻熟天風。人事傷蓬轉，吾將守桂叢。

東屯

困學記聞東屯乃公孫述舊屯之所距白帝五里東屯之田可百許頃稻米爲蜀第一

東屯少陵故居記峽中多高山峻谷地少平曠東屯距白帝五里而近稻田水畦延袤百頃前帶清溪後枕崇岡

樹林葱蒨氣象深秀荆高人逸士之居四川總志大瀼水府治東自達州

萬頃地發源經此流入大江東瀼水府治東十里公孫述于東瀼躬稻田

號曰東屯夔門志曰東屯諸處宜瓜時芋區瀼西亦然陸務觀記東屯李

氏居已數世上距少陵總三易主大曆初故參猶在上龜齡云世傳計臺

乃少陵舊宅今有祠堂舊經云少陵祠有三在瀼臺奉節縣及東屯三處

東屯復灑西一種住青溪來往皆茅屋淹畱爲稻

畦市喧宜近利林僻此無蹊若訪衰翁語須令贖

客述

賸客

韓偓詩遊
宜冠賸客

道北馮都使高齋見一川子能渠細石吾亦沼清泉
枕帶一作席還相似柴荆卽有焉斫畚應費日解纜不知

年

高齋

陸務觀高齋記少陵居夔三徙居皆名高齋其詩曰次水門者曰帝城之高齋也曰依藥榭者夔西之高齋也曰見一川者東屯之高齋也故又曰高齋非一處按此云高齋馮都使之高齋也

牢落西江外參差北戶間久遊巴子國

一作宅

卧病楚人

山幽獨移佳境清深隔遠關寒空見鴛鴦迴首憶

一作想

朝班

茅堂檢校收稻二首

香稻三秋未平田百頃閒喜無多屋宇幸不礙雲山御

袂侵寒氣嘗新破旅顏紅鮮終日存玉粒未吾慳
稻米炊能白秋葵煮復新誰云滑易飽老藉軟俱勻種
幸房州熟苗同伊闕春無勞映渠盃自有色如銀

房州

房州唐與慶州並屬山南道

伊闕

伊闕屬河南府公有莊野在焉

東屯月夜

抱疾漂萍老防邊舊穀屯春農親異俗歲月在衡門
青女霜楓重黃牛峽水啞泥甞虎鬪跡月挂客愁村
喬木澄稀影輕雲倚細根數驚聞雀噪暫睡想猿蹲
日轉東方白風來北斗昏天寒不成寢無夢寄一作歸
魂

東屯北嶮

盜賊浮生困誅求異俗貧空村惟見鳥落日未一作逢
人步壑風吹面看松露滴身遠山迴白首戰地有黃
塵

從驛次草堂復至東屯二首

一本東屯下
有茅屋二字

峽

山

作

內

作

歸田客

作

江邊借馬騎

非

尋戴安道似向

一

習家池峽險風烟僻

學楚人爲

天寒橋柚垂築場看斂積一

短景難高卧衰年強此身山家蒸栗暖野飯射麋新

世路知交薄門庭畏客頻牧童斯一作須在眼田父實爲

鄰

暫往白帝復還東屯

暫往白帝復還東屯

復作歸田去猶殘穫稻功築場憐穴蟻拾穗許村童

落杵光輝白除

一作殊

芒子粒紅加食可扶老倉庾

一作廩

慰

飄蓬

刈稻了咏懷

三四味數二字生動若人所謂詩眼是也

稻穫空雲水川平對石門寒風疎落

一作木

旭日散雞

豚野哭初聞戰樵歌稍出村無家問消息作客信乾

坤

上白帝城

城峻隨天壁樓高更

一作壁

女墻江流思夏后風至憶襄

王老去聞悲角人扶報夕陽公孫初恃險躍馬意何

長

城峻

寰宇記荆州記云巴東郡峽上北岸有一山孤峙甚峻巴東郡據以爲城水經注云白帝山北緣馬嶺接赤岬山其間平處南北相

去八十五丈東西七十丈又東傷瀆谿卽以爲隍西南臨大江瞰之眩目

惟馬嶺小差透迤猶斬山爲路幸陽數轉然後得上故記云寒山九坂最

爲險女墻釋名城上垣謂之女墻言其卑小公孫蜀郡賦公孫

上白帝城二首

江城含變態一上一回新天欲今朝雨山歸萬古春

英雄餘事業衰邁久風塵取醉他鄉客相逢故國人

兵戈猶擁蜀賦斂強一作輸秦不是煩形勝深慙一作畏

損神

白帝空祠廟孤雲自往來江山城宛轉棟宇客徘徊

勇畧今何在當年亦壯哉後人將酒肉虛殿日塵埃

谷鳥鳴還過林花落又開多慚病無力騎馬入青苔

白帝廟

方輿勝覽白帝廟在奉節縣東八里舊州城內有三石笋猶存

武侯廟

遺廟丹青落

一作古

空山草木長猶聞辭後主不復卧南

陽

武侯廟

方輿勝覽在夔州城中八陣臺下未知州張震祠堂記唐夔州治白帝侯廟在西郊王十朋記武侯故祠在州之南門於城而

西少陵所謂西郊諸葛廟其在茲地乎

南陽

南雍州記隆中諸葛亮故宅有舊井一今涸無水盛弘之記云井深五丈廣五尺堂前有

三間屋基址極高云是孔明避水臺宅西有山臨水孔明常登之鼓琴而為梁父吟因名此山為樂山殿芸小說南陽是襄陽墟名非南陽郡也出

死異

八陣圖

意足救人一為文字

功蓋三分國名成八陣圖江流石不轉遺恨失吞吳

八陣

寰宇記八陣圖在奉節縣西南七里水經注江水又東逕諸葛亮圖壘南石磧平曠望兼川陸有亮所作八陣圖東跨故壘皆累細

石爲之自壘西去聚石入行行間相去二丈因曰八陣旣成自今行師更
不覆敗皆圖兵勢行藏之權自後深識者所不能了荊州圖記云永安宮
南一里渚下平碛上有孔明入陣圖聚細石爲之各高五尺廣十圍歷然
碁布縱橫相當中間相去九尺正中間南北巷悉廣五尺凡六十四聚或
爲人散亂及爲夏水所沒冬水退復依然如故成都圖經武侯之入陣初
三在夔者六十有四方陳法也嘉話錄王武子嘗爲夔州之西市俯臨江
岸沙石下看諸葛亮八陣圖翼舒鷲形轉勢象石分布宛然尚存峽
水大時巴蜀雪消之際大樹十圍枯槎百丈破礮巨石隨波塞川而下水
與岸齊雷奔山裂聚石爲堆者斷可知也及乎水落川平萬物皆失故態
唯陣圖小石之堆標聚行列依然如是者垂六七百年陶灑推激迨今不
動劉禹錫曰是諸葛公誠明一心爲玄德効死况此法出六韜是太公上
智之材所構自有此法惟孔明行之所以神明保持一定而不可改也恒
溫征蜀過此布常山蛇陣遂勒銘曰堊古識其真臨源愛往跡恐君遺事
節咽下南山石陸法和亦曾征蜀及上白帝城揮標云此下必掘得諸葛
鐵錫之符

吞吳

按先主在吳敗績還至魚復孔明嘆曰法孝直若在必
能制主上陳行不至傾危矣公詩意亦如此世傳子瞻

云云坡無此言
織兒爲託耳

謁先主廟

慘澹風雲會乘時各有人力伴分社稷志屈偃經綸

復漢留長策中原仗老臣雜耕心未已歐血事酸辛

霸氣西南歇雄圖曆數屯錦江元過楚劍閣復通秦

舊俗存祠廟空山立一作鬼神虛簷交一作鳥道一作枯木

半龍鱗竹送清溪月苔移玉座春閭閻兒女換歌

舞歲時新絕域歸舟遠荒城繫馬頻如何對搖落况

乃久風塵孰州作與關張並功臨耿鄧親應一作天才不

小得士算勢無鄰遲暮堪帷幄飄零且釣緝向來憂

國淚寂寞洒衣巾約先主廟而思及孔明必以帷幄之才而空洒憂國之淚也

先主廟方輿勝覽先主廟歐血魏書亮機盡勢窮憂志嘔血一女燒

亮在涪濱魏人躡跡勝負之形未可測量而云嘔血蓋因亮自亡而自夸

犬也夫以孔明之略豈為仲達嘔血乎及至劉虎喪師與晉元帝箋亦云
亮軍敗嘔血此則關張關張既喪蜀之虎臣無與二人者李義山云
引虛記以為言也關張關張無命欲何如皆惜之之詞也今謂公不當

此並闕張則隨矣功臨吹節親惜公之功業將臨吹節而未就也述古詩云吾慕寇鄧勳濟時亦良哉亦萬嘆仰之意○細思孰與關張二聯畢竟是公自叙語公當流落風塵之中而不忘應天得上之感故有此言在云稱道武侯則增然無味矣伯仲之間見伊呂公所以稱武侯也若以關張比並則兒童皆知其不然何煩子美激贊耶

白鹽山

卓立群峰外。蟠根積水邊。他皆任厚地。爾一作我獨近高天。白勝千家邑。清秋萬估一作里船。詞人取佳句。刻畫竟

誰傳

英華作副。練始堪傳。

積水

荆州記曰三峽之首北岸有白鹽峰峰下有黃龍灘水最急於所急故曰積水邊也

麗瀕堆

五之氣茶雄渾

巨積水中央。江寒出水長。沉牛荅雲雨。如馬戒舟航。天意存傾覆。神功接混茫。干戈連解纜。行止憶垂

堂

○ 灩澦

地險如此而人更冒險以圖利是人心更險于三峽也可歎

灩澦既沒孤根深。西來水多愁太陰。江天漠漠鳥雙去。風雨時時龍一吟。舟人漁子歌迴首。估客鬪商淚滿襟。寄語舟航惡年少。休翻鹽井橫。

一作橫黃金

○ 白帝

白帝山起與前極險峻沒極危者令人感慨

白帝城中雲出門。一作城頭白帝城下雨翻盆。高江急峽雷霆鬪。翠木蒼藤日月昏。戎馬不如歸馬逸。千家今有百家存。哀哀寡婦誅求盡。慟哭秋原何處村。

白帝城樓

江度寒山閣城高絕塞樓翠屏宜晚對白谷會深遊
急急能鳴雁輕輕不下鷗夔陵春色起漸擬放扁舟

曉望白帝城鹽山

徐步移斑杖看山仰白頭翠深開斷壁紅一作江遠結飛
樓日出清一作寒江望暄和散旅愁春城見松雪始擬進

歸舟

鹽山

水經註廣谿峽其間三十里類巖倚木厥勢殆交北岸山上有神淵湖北有白鹽崖高河千餘丈土人見其高白因以名之方輿勝覽在城東七十里崖壁五十餘里其色兩耀狀若白鹽

白帝城最高樓

城尖徑吳一作翼旌旆愁獨立縹緲之飛樓峽坼雲靈龍
虎臥一作吳江清日抱龍龕遊扶桑西枝對一作對斷石弱水

東影隨長流杖藜歎世者誰子泣血迎空迴白頭

扶桑

山海經陽谷上有扶桑十日所浴居水中有大木九日居下枝一日居上枝

弱水

禹貢疏云弱水最在西北水又西流

白帝樓

漠漠虛無裏連連睥睨侵樓光去日遠峽影入江深
臘破思端綺春歸待一金去年梅柳意還欲攪邊心

陪諸公上白帝城

繁育

宴越公堂之作

此堂存古製城上俯江郊落構垂雲雨荒堦蔓草茅
朽穿蜂潘蜜棧缺燕添巢坐接春孟氣心傷艷藥梢
英靈如過隙宴衍願投膠莫問東流水

一作水清淺

生涯未

卽拋

越公堂

方輿勝覽在凝塘關城內隋楊素所造

投膠

吳若水注古樂府以膠投漆中誰能別離此

峽隘

聞說江陵麻雲沙靜一作淨眇然白魚如切玉朱橘不論
錢水有遠湖樹人今何處陳作若在眼却望峽
中天

諸葛廟

久遊巴子國屢入武侯祠竹日斜虛寢溪風滿薄帷
君臣當共濟賢聖亦同時羽戴歸先主并吞更出師
蟲虵穿畫壁巫覡醉蛛絲欸憶吟梁父躬耕也一作起未
遲

峽口二首

峽口大江間西南控百蠻城欵連粉堞岸斷更青山

開關多一作常天險防隅一水關亂離聞鼓角秋氣動衰顏

時清關失險世亂戟如林去矣英雄事荒哉割據心
蘆花留客晚楓樹坐猿深疲茶煩親故諸侯數賜金

主人相中丞
續分月條

天池

天池馬不到嵐壁鳥纔通百頃青雲杪層波白石中
鬱紆騰秀氣蕭瑟浸寒空直對巫山出一作峽兼疑夏禹
功魚龍開闢有菱芡一作菱古今同一作聞迤奔雷黑初看
浴日紐飄零神女雨斷續楚王風欲問支機石如臨
獻寶宮九秋驚雁序萬里狎漁翁一作漁翁更是無人處誅

勞

一作芽

任薄躬

瞿塘兩崖

三山平處則上嶺是江上兩崖

三峽傳何處雙崖壯此門入天猶石色穿水忽雲根
綵纓鬚髯古蛟龍窟宅尊羲和冬作馭近愁畏日車
翻

雲根

詩人多以雲根爲石以雲觸石而生也宋孝武登樂山詩屯烟
撥風穴積水瀉雲根元魏宣武裴黎詔云栖素雲根餌芝清壑

夔州歌十絕句

中巴之東巴東山江水開關流其間白帝高爲三峽

鎮夔州

一作瞿塘

險過百牢關

巴東

三巴記巴地東至魚復西連夔道北接漢中南極犍劍是
其界也震字記劉備敗魚復爲永安後主改爲巴東郡

百牢

關

震字記在漢中郡西縣西南隋開皇中置以蜀路險峻號曰百牢關一云
置在百牢谷元和志隋置白馬關後以黎陽有白馬關故更名按百

牛編爲入川之隘口但不加巖壘之險卽爲險要
百年關兵馬不可越亂移誤引之遂載自奉關於夔州宜飭去

白帝夔州各異城蜀江楚峽混殊名
英雄割據非天意霸王吞在物情

入蜀記勝至雅唐關塘故夔州與白帝城相連杜詩白帝夔州各異城蓋言難辨也

群雄競起問前朝王者無外見今朝
比訝漁陽結

怨恨元聽舜日舊蕭韶

漁陽

水名傳浮以書南彭諸日余何以區區漁陽結怨天

赤甲白鹽俱刺天
閭閻繚繞接山巔
楓林檣樹丹青合
複道重樓錦繡懸

丹青

西京雜記終南山有檣葉一青一赤望之斑駁如錦繡長安謂之丹青

灤東灤西一萬家
江北江南春冬花
背飛鶴子

遺瓊藥相趁鳧雛入蔣牙

東屯稻畦一百頃北有澗水通青苗晴浴狎鷗分處
處雨隨神女下朝朝

青苗

困學記聞東屯有青苗陂

蜀麻吳鹽自古通萬斛之舟行若風長年三老長歌
裏白晝一作買攤錢高浪中江郵發雜志白馬灘前高浪中

長年

入蜀記長讀如長幼之長長年三老精工是也攤錢博也梁冀能意錢之戲在云印攤錢也

憶昔咸陽都市合山水之圖張賣時巫峽曾經寶屏
見楚宮猶對碧峰疑

武侯祠堂

生祠

不可忘中有松柏參天長干戈滿地客

愁破雲日如火炎天涼

闐風玄圃與蓬壺中有高堂晉作天下無借問夔州壓
何處峽門江腹擁城隅

上卿翁請修武侯廟遺像缺落時崔卿權夔州
大賢爲政卽多聞刺史真符不必分尚有西郊諸葛
廟卧龍無首對江濱

杜工部集卷之十四

錢遵王戴應商校